

Nacional Restauratie Fonds a pone 500 mil Euro adicional pa mantencion y restauracion di monumentonan na Aruba

ORANJESTAD—Nacional Restauratie Fonds a pone 500 mil Euro disponibel, pa asina inverti den entre otro restauracion di Nicolaas Store cu a wordo recientemente adkiri y cu lo ta cas di Community Museum.

Esaki a tuma luga durante un biahe cu minister di turismo y cultura, Otmar Oduber, a haci siman pasa, caminda el a haya oportunidad di reuni cu director di e fundacion, Pieter Siebinga.

Tambe na e reunion aki tabata presente tambe Jan de Jong, representante di Minister di Onderwijs Cultuur y Wetenschap, como tambe Anne Witsenburg, Directora di Stichting Monumenten Fonds Aruba.

E reunion aki a bay den hopi



bon ambiente y tabata hopi positivo pa loke ta restauracion di monumentonan na nos isla, cu atencion special pa San Nicolas.

Na 2009 Aruba y Hulanda a yega na palabracionnan di cooperacion riba tereno di

mantencion y reconstrucion di edificionan valioso pa loke ta trata herencia cultural di ambos pais. Como adicon na e acuerdonan di 2009 riba cuidio di monumentonan, Hulanda ta ofrece sosten den e creacion di diferente

formanan di modelonan di financiamiento pa e mantencion y reconstrucion di e monumentonan.

Ya caba Aruba a haya 1.5 milyon Euro cual a wordo inverti na entre otro renobacion di e watertorennan.

Durante e reunion a palabra tambe cu lo entrega un bista di proyectonan di renobacion pa San Nicolas pa Nacional Restauratie Fonds por evalua y aloca mas fondo na un interes hopi abou.

Minister Oduber a keda

sumamente satisfecho cu e reunion aki mirando cu Hulanda a traves di e fondo di restauracion a bin ta mostrando su sosten pa restauracion y mantencion di nos monumentonan y a muestra cu nan lo sigui brinda nos e sosten necesario pa engrandec nos cultura a traves di nos monumentonan.

Mester bisa cu e suma di placa adkiri ta wordo financiana un porcentahe hopi abou y e prestamo tin un duracion di 60 aña. □